



鈴山堂集卷第九目錄

詩

發京六部都察院通政司大理寺諸公會餞序

報國寺

登毘盧閣

寅長方李二公董徐二少宰至勝泉寺餞別

勝泉寺宿

夕濟黃河

鄭州察院

中秋新鄭提學高子大賓集飲



峴山謁羊侯祠

九日獨詠

初謁官保九峰孫公

題官保孫公宜晚亭

安陸陽春臺在 潜邱之西 皇考嘗登陟有

賦都院行署實枕其麓往年南塢賈公以禮

侍奉 冊命寓止茲署有詩後六年門人嵩

亦忝此官來奉 冊命覩壁間次韻

吉祥寺

晚次普門寺是日發郢諸公餞於池河

晚次襄陽

使歸途中作

裕州阻雪

保安驛遇張內翰南使

行次汝墳

渡冰志險

立春日至京先寄崦西少宰

九日天壇登集酬夏桂洲都諫

陵祀奉簡聞司寇唐中丞

泰陵果園夕憇感述

金川堂集 卷九 目錄 二
陵祀夜歸

昌平學官劉諫議祠簡吳學士王徐二太史
清河村舍與聞唐二公小酌

送林石崖都憲

贈陳都帥

贈王太常之閩藩

夏學士榮賜犀帶并手勅褒諭賀以是詩

奉和序翁先生從遊西苑視穀

奉詔陪祀穀祗壇西苑遊矚汎舟太液和亭

溪學士

贈管銀臺

賦練塘卷李御史父

初入銓曹

赴任南禮部九卿會餞于萬福菴次韻留別

過東昌壽許學士尊翁九十

安山待聞

曉行南湖寄友

重經石佛閣望岸傍閣而賦之

將至徐州風阻野泊聞陳水部挈舟來會作此

寄之

徐州陳水部萃墨亭留題

夜至淮陰中丞劉公臨訪遂讌臺院

讌張總戎宅

揚州別鄧太僕以正因寄玄菴穆學士

泛鴛湖

謁孝陵

南宮初上

送何司空

贈潘吏侍同年

顧戶侍考績補贈

序翁相公惠寄對月見懷之作依韻拜酬

留都諸司拜進元旦賀表僕忝官禮曹當職題

署攝事訖敬識一詩

金陵城西泛舟太宰劉公邀集

觀音山鸞磯臨眺

觀音山次紫巖太宰

觀梅花泉同紫巖太宰

牛首寺

曉登朝天宮西閣集宴還坐東麓亭有作

和浚川大司馬

和紫巖太宰

和久菴少宗伯

和筠谿少司馬

鈴山堂集卷第九

詩

使郢稿

留省稿

升菴楊慎評點

發京六部都察院通政司大理寺諸公會餞于

報國寺

雙龍御節下重霄九棘芳筵集上僚冠蓋寵行賓禮

重山川銜命去程遙天香清楚留僧室霧樹啼鶯別

市橋幸遇 聖明崇孝理願從南國采風謠

登昆廬閣

遠目窮秋望高牕試醉攀鱗鱗列城肆莽莽抱京山

沙磧來鴻細松陰處鶴閒
鄔襄從此去旌旆幾時還
寅長方李二公董徐二少宰至勝泉寺餞別

古寺郊園勝名卿寵餞過還同習池醉更唱滑城歌

澗影依松桂潭香折芰荷暮歸軒蓋遠奈此別愁何

場曰習池滑城奏合自佳

勝泉寺宿

相送各已返獨宿在搃提鐘漏臨城迥星河隔樹低
方欣市喧寂轉覺客懷悽因嘆勞勞者深慙蘿薜棲

夕濟黃河

榮澤縣

荻叢沙路莽難分拍岸驚濤駭客聞千帆浪裏惟看

影一鴈天邊自叫群漫灘積水渾無地極浦青山半
入雲借問榮城在何處不堪荒戍閉斜曛

鄭州察院

使節晨驅初渡河宋京梁苑日經過停車最愛茲軒
樹維楫猶驚昨暮波暑路塵沙淹暝思晚雲臺榭起
悲歌晉公祠墓千年在悵望秋烟隱薜蘿

州南有裴晉公墓

中秋新鄭提學高子大賓集飲

此夕中秋月來從鄭邑看冰輪出海淨桂子落雲寒
暫對儒臺酒聊尋旅夜懽如何千里別兒女憶長安

二

倚檻浮雲暝開樽片月隨陰晴那可定會合正難期
桂苑曾題柱梁園好賦詩相留惜佳景明發路逶遲

三

途倦風塵色堂清燈燭光倏逢秋月滿轉覺旅行長
螢度露高幔蛩鳴出壞墻坐聞鏡吹發留賞盡餘觴

峴山謁羊侯祠

晉代傳遺愛羊祠獨至今峴山南郭上千古一登臨
未下看碑淚猶懷仰止心湯湯德澤在日暮漢江深

九日獨詠

齋館坐岑寂雨聲荆楚秋風高木葉下天遠漢江流

佳節思萸菊新寒理褐裘從來慣為客展卷自銷憂

二

地近宜城酒秋高宋玉臺臨觴那取醉作賦轉興哀
淅淅浦楓落冥冥湖鴈來陽春堪極目雲霧曉須開

陽春
臺名

初謁宮保九峰孫公投贈

昔窺東閣恨無因得使南邦喜見親清漢波深龍久

卧碧雲天杳鳳難馴功成名遂昇平世溪泛山遊矍

鑠身却到錦堂叢桂裏帝臺風月自為鄰

公第在陽
春臺之麓

題宮保孫公宜晚亭

取杜句
而名

翠屏無限好歷歷近青冥落景閒宜對高歌醉自聽
浦帆依鳥盡巖桂向人青黃綺疑公是終朝輔漢庭
安陸陽春臺在潛邱之西皇考嘗登陟有
賦今都院行署實枕其麓往年南塢賈公以
禮侍奉冊命寓止茲署有詩後六年門人嵩
亦忝此官來奉冊命覩壁間題敬和一章
皇居帝邱接仙臺使節春曹步武來睿藻昔曾留
翠巘塵踪不敢浣蒼苔龍文御氣氤氳合璽冊天書
煥爛開畫省玉堂傳盛事和家衣鉢歎非才

吉祥寺

嶂巘何盤鬱林澤亦芊綿鷲峰銜殿閣珠樹倚風烟
此地逢昌運先皇有賜田永戴堯天日流輝照法
筵

晚次普門寺作是日發郢諸公餞於池河

郢樹山應隔池河酒尚醺獨尋谿寺宿疑遠世人群
古桂寒禽聚虛堂夕磬聞神宮更瞻眺御氣繞重雲

二

騎擁巖旌合鐘鳴松寺深煙霞盤石磴臺殿聳珠林
未息征途駕偏憐閱世心郢邦今帝里節使幾經臨

晚次襄陽

朔雪荒臺獨鴈飛楚鄉凝眺轉依依天連浦溆惟寒
水山隱城皋已夕暉旅客競尋潼口住釣船閒傍鹿
門歸龐公舊隱巖扉在悵望無因得息機

使歸途中作

楊曰起得詩元
來日日炎歸雪飛星輶江漢遠駢駢空山驛傍春梅
靜荒徼人逢漢使稀南國音書憑旅鴈上林花色待
朝衣眼中蓄殫堪垂涕細寫封章達禁扉

裕州阻雪

玄陰凝北陸皓雪遍中衢整駕遲明發覽望復踟躕
野曠厲飈急啤荒饑鴈呼昔至衝炎日還今逢歲徂
蓬轉無停跡輶經多畏途臨餐乃三嘆溝中盈餓夫

保安驛遇張內翰南使

驛榻風燈倚暮寒庭松積雪皓宜看使華遠下金鑿
直家慶先承綵服懽江鴈引帆過鄂渚死花迎珮憶
長安扈從正待揚雄賦感激須彈貢禹冠

行次汝墳

汝墳百家市依依墟土間野曠豁予目青見車前山
嵩嶺露微雪伊流瀉潺湲倏感炎燠改俄興旌旆還
遇勝初會意省蓄仍慘顏慙乏拯人策默默但憂歎

渡冰志險

榮澤縣

洪河水上度回望使人驚寒日無朗照衰鴻有斷鳴
垂堂孝子戒叱馭古人情天末風雲色蕭蕭送遠征

二

遠役逢年暮危途感命輕長河蟠地險積雪與天平
逆旅悲今古浮雲是利名昔聞高蹈者被褐偃柴荆

立春日至京先寄崦西少宰

星輶計日覲神京彩勝迎春在客程沙上柳松烟霽
色水邊樓閣鴈歸聲陽回海宇人皆樂雲近蓬萊眼
倍明畫省故人勞見念清詩早為卜旋旌公贈詩有蘭橈應逐

早春回之句

九日天壇登集酬夏桂洲都諫 二首

仙都樓閣堪凝望諫署壺觴得盡歡九日舊從塵裏
過八埏今向眼中寬風來碣石驅濤壯日上扶桑影
樹團君擅高才能作賦吾憐短髮未欹冠明良一代
賡歌盛禮樂千年復古難即擬泰壇陳藁藉早聞閭
闔獻琅玕

八座軒裳吟對酒佳辰此會若為歡鳳飛正借高梧
近鵬運真同碧海寬青楓極浦遙連影細菊重巖巧
綴團桓孟高風追落帽夔龍勝集慶彈冠層城烟霧
將歸遠郢曲陽春欲和難莫把茱萸問誰健共看顏

色比琅玕

陵祀奉簡聞司寇唐中丞

秋日野晴朝露晞六陵如黛淨煙霏村原幾處臨寒
水臺殿千重鎖翠微頻來古寺能留榻久客緇塵欲
化衣西省內臺俱重望叨陪鵷序有光輝

秦陵果園夕憇感述

秦園衆峰裏冬晴雪樹稀宮監棲巖翠山禽下夕暉
攀髯悲隔世種木見成圍悵憶臨軒日瞻天淚暗揮

陵祀夜歸

繁星攢列炬流塵起飛鞚遶樹遠鐘微霑衣零露重

回望碧山椒山深夜寂寥雲輿歸縹緲玉殿鎖蒼堯
重泉光景匿蔓草蛩聲唧唯有朝陵使年年來此夕

昌平學宮傍有劉諫議祠翰林諸寮陵祀則寓

止祠下予昔備員史官嘗兩至焉追憶舊遊

簡吳學士王徐二太史

瀛館虛塵榻香燈伴古祠衣冠秋祀到風節里賢思
堂近棲鸞樹泉分采藻池俊僚來衮衮仍續舊題詩

二

謝公墩尚在賈傅井依然問訊祠前栢懷予繫馬年
並遊看玉樹分直想金蓮已是仙凡隔衰庸愧後賢

清河村舍與聞唐二公小酌

十里清河去未遙
暖烟秋色過楓橋
柳條驚風故零亂
茆屋枕溪還寂寥
誰家砧杵敲寒練
客子風塵換敝貂
乘興且傾黃菊酒
還家須憶紫宸朝

送林石崖都憲

中丞出鎮在扶風
共說登臺兩世同
天語宣廷催擁傳
霜威滿路避乘驄
簪纓獨繼家聲貴
斧鉞榮兼節制崇
宵旰憂勤問民瘼
幾回書奏大明宮

贈陳都帥

平生仗奇節
感激與誰論
報主丹心切
參戎偉績存

營鋒百陣合漕粟
萬舟屯受詔辭皇邑
驅車還里門
龍泉別壯士
春草憶王孫
聞有飛章薦
重來謁至尊

贈王太常之閩藩

未論海嶠與宸居
同是君恩感激餘
地僻雲霞三島近
官清琴鶴一舟虛
省薇晝永消爐篆
山荔風香引傳車
知爾茲行暫分手
即看宣拜紫泥書

夏學士榮賜犀帶并手勅褒諭賀以是詩

賜犀新寵冠朝行
飛白宸奎照玉堂
霄漢渥恩承湛露
瑣闥清論滿朝陽
君臣合契同魚水
廊廟掄材有棟梁
留與詞林傳盛事
要知明主重惟良

奉和序翁先生從遊西苑視穀

行宮別殿接嚴宸，詔賜同遊禁苑春。
龍渚泛舟呼力士，御厨分膳輟饗人。
陽和茂對皇情豫，雲漢昭回聖藻新。
政以艱難知稼穡，共言魚水喻君臣。

揚曰無愧初唐

奉 詔陪祀穀祗壇西苑遊，矚汎舟太液和亭

溪學士

祗壇奠璧曉光初，法駕臨疇宿雨餘。
幕近爐烟浮羽仗，林晴花色上簪裾。
身逢廣樂鈞天盛，世際淳風太古如。
農畝起家陪帝籍，江鄉春事憶郊居。

僊居春汎渺銀河，桃杏紅芳水綠波。
日出芙蓉開帳

殿風迴笙吹繞雲羅，汀洲鳥藻榮光滿。
樓閣烟花淑景多，不是傳宣承帝澤，豈緣天路得經過。

贈管銀臺

奉使持天節，寧親捧壽盃。
傳車寒色送歌吹，夕陽催驛傍河津。
轉關迎隴月，開留歡猶未盡。
計日漢庭回賦練塘卷李御史父

悠然練塘上，拂榻坐清風。
綠樹重於蓋，澄流映若空。
魚來深石下，鳥度夕陽中。
獨有乘驄客，看雲憶甬東。

初入銓曹

肅穆堂堦迥，陰森栢檜齊。
史人依鶴立，鳥雀傍林棲。

水鏡懸清鑒絲綸照紫泥天曹元峻絕何意得攀躋

中堂有
宣廟勅諭

鑪篆銷寒晝濡毫削奏書多慙華省貴祗擬列仙居
心結壺冰裏恩垂雨露餘如何報 明主薦士滿公

車

赴任南禮部九卿會餞千萬福菴次韻留別

五雲回首望宸宮感激 皇恩覆載同身比馬牛難

報主心隨江漢亦朝宗鎬豐故擬周京重禮樂親知

舜典崇自是臣勞均出入豈將鴻跡嘆西東

星輶駐節倚禪宮祖席登筵八座同禁苑鴛鴦勞送

遠留都禮樂愧稱宗正逢春郭烟花麗更屈天卿禮

數崇已隔長安辭日下獨看雲樹賦江東

是日太宰
晉溪翁具

餞待
威

過東昌壽學士許龍石先生尊翁九十

地是登瀛里春當獻壽辰鳳書擊詔重鵬錦製袍新

祿待千鍾養天扶百歲身古松仍偃蹇老鶴倍精神

榴色侵瓊掌椿陰上繡茵欲知恩慶遠東海正無垠

安山待聞

客思去匆匆川程渺未窮水生波蕩漾日出景冥蒙

花發當春樹舟牽逆浪風頗覺征途倦情非少壯同

金山堂集 卷之四
十一
曉行南湖寄友

遠樹猶含霧澄流欲颺空帆檣飛鳥外簫鼓曙烟中
映帶江林出縈迴島嶼通無因寄相憶春草正蒙茸
重經石佛闢望岸傍閣而賦之

梵閣臨江記昔攀白雲蒼檜鎖禪關波瀾極浦浮高
棟霧靄踈林出斷山盡日帆檣經樹杪早時鐘鼓落
人間塵勞未息堪惆悵又送官航此路還

將至徐州風阻野泊聞陳水部拏舟來會作此
寄之

津程望近轉離憂高浪煙汀阻宿留刻渚正隣人獨
往春山真憶鳥相求雲飛沛里風仍起江遠黃樓水
自流聞說久曹新政好極知才是濟川舟

徐州陳水部萃墨亭留題

高浪軒中沸層樓畫裏開浦雲千嶂合漕粟萬艘來
墨萃刊亭石風歌上沛臺樹連平野盡江逐古營回
碭澤煙霞改桓山松栢哀莫倚登樓賦還資理國才
夜至淮陰中丞劉公臨訪遂讌臺院

鳧渚風燈亂傳呼繡斧來那知維月舫更得近霜臺
披豁聞高論將明仰上才華觴春漏永懷抱故須開
讌張總戎宅

祭戟元戎第文觴得暫過鳥吟春樹遍花映夕堂多
家世張車騎勲名馬伏波淮洲見明月其奈別離何

漢車騎將軍安世

揚州別鄧太僕以正因寄玄菴穆學士

養拙慚吾道茲行偶共君長途欣並舫此路惜離群
樹隱煙中郭帆飛海上雲因聲寄玄老公暇好論文

泛鴛湖

樓榭開煙霧汀洲似畫圖城陰度窳窳天影入虛無
岸迥傳清吹波深洗玉壺茲辰春日好留興在鴛湖

謁 孝陵

翠巘皇陵閱青松石道長百靈羅象衛五位備冠裳

龍劍風塵靖羅圖日月光山空颺吹急蕭颯動宮墻

二

社稷戎衣起梯航玉帛朝睹河功戴禹瞻廟祀宗堯
石馬嘶空翠金燈照寂寥遙看鍾阜上御氣滿層霄

南宮初上

謬忝文昌入虛慙禮樂司居當分陝地榮及履星時
位重才非稱恩深報未知願奉惟寅訓還陳匪懈詩

二

爽氣澄秋朔朝光動省闈竹風來錦席花霧上朱衣

銀山堂集 卷之九
北斗躋衡峻南曹領務稀 聖明謨典在萬世敢愆
違

送何司空

冬曹公報政鍾阜我移官傍樹開新築臨觴叙舊歡
宦途勞涉歷世澤盛衣冠豈乏春華好青松耐歲寒
贈潘吏侍入覲

少宰今時望風儀八座看留曹稱水鏡北闕待鴛鸞
振鳥秋塵淨登車曉月寒同年滿朝署相見慶彈冠
顧戶侍考績補贈

民部知名久清朝最老成松當壘壑古冰貯玉壺清
國計分留署秋帆上帝京贈言慙我後叨此繼同聲
序翁相公惠寄對月見懷之作依韻拜酬

遠傳仙翰到南宮安得清光此夕同氣味敢云蘭並
臭瞻依真以岱爲宗冰銜寵帶銓衡重衮席榮躋殿
閣崇共賀太平今有象德星環聚五雲東
公新改吏部
留都諸司拜進 元日賀表僕忝官禮曹當職

題署攝事訖敬識一詩

表函遙賀謹題封黃袂親緘獻九重下土葵心惟向
日丹青雲氣總成龍青陽啓律歡稱壽紫禁趨班憶
聽鐘八座二京分職事涓埃無補愧登庸

金陵城西泛舟太宰劉公邀集

疊嶂澄江遶帝州，金尊錦席在蘭舟。
正逢吏散軒裳集，况是郊晴霧雨收。
隔岸帆檣迷浦溆，傍城樓閣帶林丘。
名都勝槩還今賞，赤壁高陽空昔遊。

觀音山鷲磯臨眺

高雲石壁相因依，側倚蓮宮臨鷲磯。
畫棟巖巒巒開險，絕滄州煙樹隱霏微。
鯨鰲吹浪三山動，帆船乘風萬里歸。
日晚川長堪悵望，天青無盡鴈孤飛。

觀音山次紫巖太宰

危欄高棟俯江深，蘿逕松門勝可尋。
祇苑白雲生靜思，石谿紅葉動秋吟。
遙岑不改鴻濛色，清嘯如傳鸞鳳音。
軒蓋擁林鐘磬發，山僧應記宰官臨。

天末長雲逐鴈來，江間波浪起孤臺。
初晴風日邀登閣，勝地山河對舉杯。
着帽山公期取醉，揮毫李白故稱才。
極知人世閒情少，多謝霜前白菊開。

觀梅花泉同紫巖太宰

聞道幽香臨絕澗，偶尋遺跡一相過。
風前雪樹花難覓，石上鐫題字半磨。
苔逕客行青嶂遠，石堂僧占白雲多。
塵騾此地應稀到，洞口年年長薜蘿。

牛首寺

絕嶺雙峰天闕開禪房幽洞鎖莓苔巖巒路轉孤雲
近松栢風生萬壑哀當日翠華臨別殿武廟南巡駐蹕茲山千
年威鳳起層臺細觀惟有階前樹歷盡人間累劫灰

有貞觀年銀杏樹大數圍

曉登朝天宮西閣集宴還坐東麓亭有作

江郭晴煙翠且重山城紫閣坐高峰杯前木落蕭蕭
影天外鴻歸渺渺蹤御氣尚浮宮苑樹寒聲遙送石
門鐘偶尋玄圃逢瑤草擬接丹霞訪赤松

和浚川大司馬

霧閣雲窓拂曙開白沙青嶂遶城回鼉鼉浴日江光
動龍蜃嘘空海氣來萬事糾紛堪息駕百年佳勝偶
登臺運籌作賦公能事莫厭頻來把酒杯

和紫巖太宰

仙家樓閣隱差峩麗景祥煙入檻多劍失正憐龍久
化臺空猶憶鳳曾過冶城遺事遙難問卞廟精忠耿
未磨風物豈殊桃洞宴陽春重和郢中歌此地乃冶城舊址有

卞忠貞祠

和父菴少宗伯

裊裊高雲覆閣陰冥冥宿霧映江深叢篁暝帶林烟
碧獨鴈寒隨浦樹沉天上樓臺堪悵望水邊亭檻足

幽尋共來佳麗金陵地重對樽前謝眺吟
和筠溪少司馬

冬日邀賓東麓閣凍雲簷日共淒涼天連一水蕪段
淨霜落千林橘柚黃暫對碧山心自逸獨攀瓊樹意
何長風烟遠目增幽思身病逢懽亦盡觴

鈴山堂集卷第九

鈴山堂集卷第十目錄

詩

大祀齋居

齋居奉同久菴寅長紀贈

寄贈鍾石翰長

寄贈介立舊寅長

次紫巖太宰齋居韻

次費學士齋居

次胡太常齋居

予昔在翰林禮部楊月湖汪閒齋二先生齋居

邀予詩會今二公已下世矣感舊述情而題此句

至日群公集靈谷寺

靈谷寺次浚川大司馬韻

次久菴少宗伯

晨經鳳臺門

登雨花臺

過永寧高座二寺

送司空秦公赴召

贈士鳴年兄

金陵歲夜

樂道吟

東園燈宴

贈參贊王公浚川

哭東井內兄

上陵作

宿鷄鳴山

省中元會

元旦 孝陵陪祀

元日久菴少宗伯九峰太常集飲

鈴山 御書樓成自述短詩

題顧中丞山居

和太宰紫巖送春四首

寄歐從龍侍御

致政劉光祿偶見遂別賦贈

送黃少司徒

寄壽張允敬同年

寄題歐侍御碧谿草堂

題石灘卷

石川詩

送盛程齋都憲

送胡司寇

奉送浚川王公赴召

賀紫巖劉公叅贊留務

王銀臺北上識別

題晏守備畫

送大司寇周公致政

九日金陵城西泛舟同顧中丞

陳中丞年兄陞大理卿贈別

贈陳虞山中丞之南嶺

大司馬劉公宅翰林諸寮修瀛洲之會限韻

答潘石泉年兄見贈

院堂之集予以病不赴次韻答諸公

大司成陸公枉駕鈴山草堂作此寄謝

送大理周公赴召

送張中丞赴召北臺

會林介立先生宅限韻

贈林大理次崖

金山堂集卷第十

詩 南銓藁

升菴楊慎評點

大祀齋居

省閣南宮靜台堦北斗齊露承金掌近天傍玉繩低
院寂人稀語松高鶴對棲舊編間自校窻火照青藜

二

坐漏頻移榻聽鍾更振衣月疑開寶扇雲憶閃朱旂
禮樂今周祀河山舊漢畿翠華天北極遙仰六龍飛

三

金山堂集
卷之四
露筍分朝饌，鑪沉換夕薰。地嚴增闕寂，味澹謝芳葷。
澄漢懸珠斗，層霄駐彩雲。百辟同明德，千春奉聖君。

四

忝竊紆朱紱，棲遲記玉堂。鍾陵山上月，重此對清光。
白日看駒隙，青雲愧鷲行。所嗟心寸草，何以報春陽。

予昔掌留院去後
八載來領禮曹

齋居奉同父菴寅長紀贈

松栢高姿蘭蕙薰，茹齋北郭舊論文。寧非夙世神仙

侶，華省青精更對君。公昔官臺屬就
居北郭山下

叔度令予鄙吝消，英詞往往奏英韶。文章已見追前

古禮樂，還應翊聖朝。

寄贈鍾石翰長

咫尺南宮近，木天羨君官府是。神仙鸞鳳會，整青霄
翼。山水還留白雪篇。

玉署清銜直似冰，文章南斗價逾增。古槐脩竹清陰
裏，散帙談詩記我曾。

寄贈介立舊寅長

學省清遊易歲年，留臺重望借才賢。鵷鸞故集丹山
樹，奎壁還聯紫極天。麟閣石渠須制作，碧山滄渚寄
延緣。懷人正有停雲思，撫景空彈白雪絃。

金山堂集 卷一 言 二
次紫巖太宰齋居韻

遙想泰壇燔壁夜彩雲晴護帝城春帷宮御氣臨黃
屋閣道爐煙上繡茵翠管銀鬕霑澤舊椒花栢葉獻
年新留曹自是均勞地珍重台衡報主身
省閣松陰動日華仙卿高詠興無涯正逢山翠開書
幌擬近池波著釣槎閭闔北雲頻望闕烟花南國更
移家甘盤舊學留宸眷早晚徵綸拜寵嘉

次費學士齋居

玉堂幽事鎮相關雪茗雲篇興未慳春檻烟花迷紫
禁夕簾蒼翠滿鍾山綸闈世掌看新命講殿長趨憶
舊班見說天庭起黃色北扉應待鳳書頒

次胡太常齋居

容臺齋板靜鑪薰江郭晴煙靄瑞氛自識仙曹堪隱
吏偶過僚署喜論文海中鶴馭通三島天上彤樓麗
五雲鄰並最歡依玉樹別來三日倍思君

予昔在翰林禮部揚月湖汪閒齋二先生齋居

邀予詩會今二公已下世矣感舊述情而題

此句

劍水煙雲寶氣消龜峰猿鶴已難招讀罷舊題空淚
落省闈風竹晚蕭蕭

至日群公集靈谷寺

青霞宿霧淨朝陰長笛洞簫悲遠林雲竇泉流一壑

靜石門路入萬松深迴廊古壁留名畫墜葉冷風助

梵音此地巖巒足幽勝歲時攜酒一登臨有吳小
仙畫壁

至日上方吟送酒盡看鸞鶴在煙霞陽回嶰谷時方

泰山繞鍾陵境自嘉林下幽香逢蕙草水邊春信見

梅花習池賓客今名勝轉覺風流興未涯

靈谷寺次浚川大司馬韻

深冬翠壑尚春姿八座輿驟共此時今代珠林開淨

境千年金塔禮真師泉邊倚榻逢僧話樹底穿雲避

鳥知蓮社虎溪俱勝事不妨重作後遊期

次父菴少宗伯

上方臺殿聳岩堯望近松門路轉遙山抱玉陵增氣

色磴盤琪樹入雲霄巖花當日迎龍馭澗水千年落

鳳韶林下誌公呼不起空餘遺事說梁蕭高皇嘗
幸此

晨經鳳臺門

臺鳳久寂寞門今尚得名崗巒拔地峻竹樹帶煙晴

寒日一以眺白雲空復情萬峰天外色一一抱神京

登雨花臺

雨花朝獨上寒望盡皇州獵獵海風至冥冥江霧流

樓臺開秘苑城郭枕高丘今古浮雲色長歌寄此遊

過永寧高座二寺

永寧峰寺僻高座亦為隣曲徑無人到雲松自可親
異花飄法界幽草發新春安得遺塵事林中結淨因

送司空秦公赴召

又看冬省承優詔更折春梅送別筵江寺勸杯曾對

雪鳳樓鳴玉再朝天舟經故里迂仙棹衣近金鑪上

御煙想到禁庭多雨露一時卿望盡才賢公昔被召司徒僕會

錢清涼寺值雪

十年鍾阜重遊地正喜從公柰別何垂老再逢宣室

仁祖筵猶唱渭城歌南宮畫接天顏近西苑春祠水

樹多周歷五曹誰得似聖朝勲業者嵯峨公歷任兩京五部

贈士鳴年兄

簪盍欣相倚其如此別何江湖憂思在霄漢盛名多

暮渚吟蘅杜春山隱薜蘿賜環知有日行矣養天和

金陵歲夜

舊都遺俗是昇平又聽盈門鼓吹聲栢酒競傳知臘

味土牛初獻識春耕萬家梅柳開煙市雙闕星河隱

鳳城萍海客遊今老大自慙癯質玷華纓京兆後民以鼓笛管

歌沿門報春國初故事

木爐松火照春城夜雪寒燈對舊京霜髮暗催人易
 老天涯獨宿夢難成因懷泉石違初志愧乏涓埃答
 聖明燒竹引杯聊餞歲望鄉瞻闕總關情都人燔茗
木丹焚松
 夜枝照

樂道吟

朱邸神仙館芸窗翰墨林簡編求至理泉石散幽襟
 點瑟聲靡間頽瓢味可尋獨攀叢桂隱時對白雲吟
 鍊氣餐霞液齋心翫兔陰東平為善意千載嗣徽音

湯曰經語何嘗不可入詩如此點瑟頽瓢是也唐詩亦有由之瑟賜也墻佳句可以並觀

東園燈宴

芳節誰招宴東園公子家雍渟千日釀燈燦九枝花
 林榭凝歌吹樓臺滿月華習池風景異留賞未云賒

贈參贊王公浚川

聖朝留鑰付元臣位重南都領縉紳身繫安危稱大
 老道弘風雅作詩人指麾貔虎千營靜蘇息瘡痍萬
 戶春共道政成催入輔漢家勲業待麒麟

哭東井內兄

纔霑除日便終身襤被囊書祗舊貧新授景陵山縣
 長晚登京兆貢科人賸聞行義稱鄉黨每見文章重
 縉紳天道茫茫那可問傷心歸櫬暮江濱

二年京國走紅塵客舍相依意自親
往事恍疑春作夢浮生空憶幻為身
可憐丹旆題新秩謾說烏紗換舊巾
銅綬向來消不得紆朱拖玉是何人

上陵作

十載朝陵路重來識翠微
聽泉經石澗攀栢候金扉
麋鹿能迎客山雲故上衣
那能不老舊侶覺全稀

宿雞鳴山

寺峰雲霧裏重借石堂眠
猶似當年到燈懸古佛前

省中元會

獻歲三陽泰祝聖萬方歡
卿雲朝氣合繁星夜炬

攢延閣綿鐘漏華省肅鷓鸞
金塘初變柳玉砌已舒
蘭秩禮宗元化備職忝春官

元旦 孝陵陪祀

玉殿中峰裏煙開雪樹春
盤鳥棲露靜澗鹿向人馴
弓劒陵園闕旒衣歲日陳
萬年周鼎地奔走備王臣

元日夕菴少宗伯九峰太常集飲

竹煙松雪散餘寒
賞莢桃符慶履端
天地萬年吾道泰
陽和四海聖恩寬
增齡更藉椒觴勸
應俗先傳綵勝看
喜並德鄰能枉駕
正依雲闕共彈冠

鈴山 御書樓成自述短詩

樓成東園定何如緇帙牙籤盡賜書
延眺巧當山色處對揚榮荷
聖恩餘三春花氣薰蘭茝五夜虹光
映斗墟留與後人傳世澤要知經訓是
留畬十載虛叨列近臣寶函宸翰拜恩
頻雲霞捧出天家製琬琰藏為奕世珍
萬古江山開棟宇百年忠孝報君親願
將天保歌周曆夜傍奎躔禮北辰
類隣松竹是吾廬廿載辛勤此卜居山
近雲煙浮几案門深賓從擁軒車敢將
新構誇侷奩但願淳風挹里閭他日若
論歸老計鄴侯惟有滿家書

題顧中丞山居

居厭煩鬱遙在碧山樓石徑雲俱靜
松窻路轉迷到來峰歷歷玲瓏處草萋
萋我憶聞高論春醪遠為携

二

桃樹仙人宅春山不可尋偶隨芳草去
言到白雲深片月窺蘿幌啼鶯遶竹林
亦知難久卧四海望為霖和太宰紫巖
送春四首

風晴芳絮紫書幌日晚餘花照酒卮
傳語吏人休白事宰公方詠送春詩

江寺花枝開不稀背巖幽渚鬪芳菲
東君有意如相惜莫遣風吹片片飛

未因春別恨匆匆酌酒看花興轉濃聞說郭西花更好與公同上最高峯

便買春醪日典衣及時行樂莫相違白鷺洲前寧久駐紫薇紅藥待公歸

寄歐從龍侍御

壯心黃鵠青冥上舊業蒼山楚水南誰道向來經濟畧種畬戒樹伴農談

致劉光祿偶見遂別賦贈

碧山高山卧清風幾許音書渺未通舊日綈袍仍戀戀百年塵路苦匆匆華軒濫處真慙鶴世網難羈

羨鴻明日吟詩向何處白雲江上倚孤蓬

送黃少司徒

去國十年仍赴召遭逢今覩漢儀新煙花對酒留春棹劍珮衝星上紫宸館中朋輩誰同在白下交期我重親臺省故人如見問為言閒僻稱吟身

寄壽張允敬同年

吾愛張平子餐霞東海陰異方仙客授高行里人欽久稅林中駕彌清塵外心無因介眉壽遠寄鶴飛吟

寄題歐侍御碧谿草堂

柱史谿堂何處尋石潭沙島靜陰陰扁舟客到柴門

近芳樹鶯啼草屋深霜簡皂囊酬夙志渚蘭汀芷寄
閒心濯纓擬和滄浪曲抱膝還為梁甫吟

揚曰語
精字鍊

題石灘卷

吾愛石灘子為賦石灘吟雲波晴瀉練風瀨暗鳴琴
澹逸鳧鷗侶青蒼楓栝林塵纓何日濯訪爾草堂深
石川詩為婺源汪子賦汪子思親所嘗遊也

羲馭無停轡川流靡迴波朝見枝上花暮觀葉辭柯
伊昔親在時杖屨此婆娑奄忽逝如期忍賦詩蓼莪
極浦菱荷發清瀾鳧鴈多向來釣遊處白石橫秋蘿
憇石復懷川攬涕傷如何

送盛程齋都憲

欲尋東海菁金竈仍向羅浮碧玉峰人世塵勞知己
息仙山靈藥會相逢
銀魚錦豸承恩日綠水丹山歸隱時逍遙且喜從吾
好寵辱由來非我知

送胡司寇

長干寺裏幾迴來折柳尋花醉此迴同榜四人公復
去後期何地更啣杯

奉送浚川王公赴召

皇構須梁棟天達侍鳳鸞聖衷勞側席時望切彈冠

霄漢恩波近江湖別路漫所嗟從教遠長展卷詩看

二

雄峻稱三獨清忠仰百寮天書新寵渥霜署舊風標
威振臺綱肅春行郡國遙向來經濟望好答聖明朝

紫巖劉公叅贊留務賀贈

玉堂延閣舊儒仙華省三臺次第遷待入鳳池司帝

制整持龍節掌兵摧寰區人物甄陶內建業山河控

制前共道全才齊吉甫早聞功德格皇天

公歷留都吏禮兵三

王銀臺北上識別

來共秣陵居每誦清詩歎起予晚歲欲諧金石

契新恩重下紫泥書驂騑逸步諳長道鵝鷺崇班上

玉除薊北江南相憶否還將尺素付雙魚

長安里第似幽居水石流傳亦到予芳會更移泉上

酌舊題多認竹間書能留嘉蔭棠堪憇謾適閒心草

未除君去好隨天闕鳳吾衰終釣楚江魚

甚勝予代居之

題晏守備畫

汲泉抱甕誰家婦伐嶺負薪何處翁要識民間貧苦
事此圖長置此堂中

當午鋤禾婦子同力田心只願年豐人間最苦惟農
事看取幽詩七月風

送大司寇周公致政

海東歸駕杳難攀松桂清陰滿舊關老境正逢開口
笑畏途誰得乞身還花邊曳杖吟隨鶴湖上移舟坐
看山簪笏有人能繼美恩波長在五雲間

九日金陵城西泛舟同顧中丞

松塢顧中丞吳郡施子仁攜酒邀予自石城沿水
西門經朱雀橋入通津門歷覽諸勝抵暮而返昔
人九日有登高之會吾儕周覽名都登艫展席林

郭縈紆水天空與亦一勝矣乃賦近體二章貽之
同好以附囊萁故事云

蘋洲荻浦水雲長素舸筠簾冰雪光霞氣入江明島
嶼浪花霑席淨琴觴伴人泛泛何逸媚石輝輝菊
自芳非是龍山吹帽客還將幽意寄滄浪
龍河西渚石城隈九日風煙霽色開帝苑樓臺雲裏
見澄潭鳧鴈鏡中回青溪渡轉橋橫木朱雀航空月
暎苔千古風流今獨勝中丞與客泛舟來

陳中丞年兄陞大理卿贈別

卿月昭回入紫微法星迢遞別南圻江波共惜仙帆

遠臺路爭看繡斧歸松栢晚當水澗立鷓鴣春傍禁
城飛江東雲樹遙相憶榜下同年大覺稀

贈陳虞山中丞之南贛

清獻祠前秋水清鬱孤臺上暮雲平江關粵嶠開雄
鎮璽勅兵符借老成正以冰霜論節操須知魚鳥避
威名天南舊路君應識惟喜梅花管送迎

君嘗謫官嶺南過此

大司馬劉公宅翰林諸寮修瀛洲之會限韻得

詩四首

鍾山晴對草堂青勝日芳筵更此庭花霧竹煙籠氣
色漢雍唐省備儀形直令渾噩追三代坐見文章侶

六經却憶北扉供奉日幾回鐘漏候明星

十年重見柳條青剩水殘山舊所經勝會正看鷓鴣作
侶瘦軀翻訝鶴同形情娛尊俎堪移日地遠江湖漫
聚星食飽事閒兼吏隱不知何以答虞庭

菊叢橙實競寒青客舍鍾陵歲幾經玉署俊遊論接
武金蘭交契到忘形盍簪瓊樹羅玄圃張樂冷風起
洞庭已報秦階呈國瑞夜闌搔首望天星

烹茶燒竹坐談經正愛清香滿戶庭賴有琴觴能遣
俗都無案牘可勞形上林梧竹棲群鳳東壁文章紀
二星他日漢家麟閣上願期勲業在丹青

金山集 卷一 詩
答潘石泉年兄見贈

塵壒驅馳愧我形，髮衰非復舊時青。
偶隨冠佩登仙署，未有涓埃報帝庭。
省閣優閒無吏牘，山川名勝有圖經。
江湖敢替憂君念，夜夜頻瞻紫極星。

院堂之集予以病不赴次韻答諸公

玉堂開宴勸杯寬，彩筆題詩灑墨乾。
繞檻山圍錦繡障，過簷竹長鳳凰竿。

舊遊夢憶仙曹隔，予舊領此院雅會

身慙病祟干八座，軒裳俱俊望薰葭。
那得倚琅玕。

大司成陸公枉駕鈴山草堂予遠寓金陵無緣

攀迓感別增情作此寄謝次原韻

鰲禁儒仙薇省使，近傳旌節過林丘。
青苔地僻無人掃，翠竹天寒可自留。
想復移舟空對雪，誰能載酒共登樓。
為吟佳句增惆悵，目極孤雲楚水頭。

浦東我昔登公堂，豈意公猶度我鄉。
海內交遊同骨肉，天涯涕淚各參商。
關山落日雲千嶂，河漢懷人水一方。
冰玉丰神鸞鳳羽，百年愚谷借餘光。

攀留能愛小山叢，此日相過似夢中。
萍海漫憐身作客，杏園俱憶鬢成翁。
多慚華省迂高駕，可笑貧家只素風。
想見江山入題品，玉堂椽筆是宗工。

送大理周公赴召

亭晚離尊集波晴錦纜開使旌移北斗卿月近西臺
奏讞平天憲登延簡上才寧知湘水客重觀漢庭來

公前言
事被謫

送張中丞赴召北臺張舊以翰林例出補外乃

獨有今召

舊日並辭金馬客天書榮召似君稀獨憐一鶴歸瀛
島却領群星入太微西臺執法搖霜筆東掖趨朝著
豸衣共說爲儒堪重寄益看吾道有光輝

會林介立先生宅限韻

眼中世事何多虞置酒高堂聊燕娛衣冠朋輩幾寥

落風雨林花半有無生人情致何所似炯炯清冰涵

玉壺愧予寮案平生分遲爾雲霄萬里途

贈林大理次崖

廷尉平反力有餘書簾朱墨更忘劬存疑遍示諸生
錄傳信新刊兩寺書

芹曝猶堪獻至尊皇王治道有新論漢庭帝鑒明如
日次第還行賈誼言

鈴山堂集卷第十

鈴山堂集卷第十目錄

詩

入省十四韻

瀛洲會限韻二首

省中齋宿

省中池亭作

皇儲恩例賜給二品誥命感怍有作

臘日奉常穆公宅集會限韻

元日費林二翰長集飲

初歲於省中作

人日翰林諸寮於敝寓山池為瀛洲之會
元夜集宗伯甘泉公宅

靈谷寺

題顧中丞載酒亭圖

生日自述

觀音巖同王司馬作

西園賦贈徐六公子用陳侍講韻

暮春集鷄鳴山閣

寫真自題

送許仲貽赴舉

除夕

元日作

元日羅子印岡以詩見寄次韻答之

歲初視篆呈潘公寅長

新年鄉會

人日宋中丞燕集

侯中丞燕集

和侯中丞元夜喜晴

和顧中丞出息東郊田舍

生日效長慶體

江閣春眺

觀音山作

金山寺

贈王翁

尋方伯張公合溪隱居

憇舟九石潭下登張侯廟有作

行經傍羅江懷寄黃費二太史

廣陵往觀甘泉山精舍馬趙二戶曹携酒同酌

桓山集宴

恭聞 駕謁 長陵寄呈扈從夏公大宗伯

晚次灤縣值雨是日聞 車駕還京

潞河

通州通惠河登舟作

贈曹大參仲禮并柬高大參子業

鈴山堂集卷第十一

詩南銓藁

入省十四韻

升菴楊慎評點

斗極三辰峻天曹六職先官為巖石地政自 祖皇

年定鼎乾坤闢開堂水鏡懸百司存法守一敬啓心

傳堂後敬亭國初時扁駑蹇慚非據鴻私荷再遷兩都仍踐歷

孤跡寡階緣天日逢 明后璠璣免雋賢吹竽容竊

濫推轂廣登延每切循墻懼方叨泣席專敢期攀鳳

羽榮得上星躔齋閣山如畫留都境若仙簾垂鍾阜

月鴉散石城煙簿領頻多暇寅恭敢忘虔惟應論晚
節松栢誓同堅

司徒許公宅修瀛洲之會限韻二首

瀛島書傳白鶴先佳辰展席對江天官梅東閣催詩
興客舍并州感歲年嘗菓味分霜後橘烹茶香泛竹
間泉杏園繪事風流在此會他時合共傳

宣德間館閣諸老有

杏園雅集圖

看出駝峰酒送泉新詩珠玉盡堪傳空江木落年華
晚幽樹梅開淑氣先鍾阜移尊聊此夕玉堂載筆是
何年司徒門第今韋杜時論真同尺五天

省中齋宿呈同寅潘公年丈

用先青二韻

大祀恭傳 帝命先兩人聯宿省堂年浮葭淑氣初
回瑄燔壁榮光遠燭天檻近靜移蒼檜月亭空寒浸
碧池泉連宵促席聞佳話茗碗蔬盤得共傳

蕭蕭林葉墜高庭寂寂窻燈隱幕青畫省竹松仍坐
漏紫壇冠珮盡衝星 聖明禮樂追三代薄劣遭逢
起一經清廟告成當有頌黃虞致化本無形

省中池亭作

一泓長湛鏡中天欄檻憑高得月先祗道省中持簡
牘不知窻外有林泉幽篁拂座能蠲俗老檜凌霜不

記年誰信仙曹兼吏隱詩成莫遣外人傳

皇儲恩例賜給二品 誥命感怍有作

賜誥新恩出帝闈幾回榮寵到私門錦鸞織處天章麗犀軸頒時御墨溫先世總看覃雨露微生何以答

乾坤百男萬壽吾 皇祝夜禮星垣稽首言

西蜀旬宣惟我祖簪纓餘澤到諸孫琅函錦字尚書誥秀水鈴山世德門逢舍儘堪容駟馬圭田元可薦蘋蘩四年兩度逢恩慶重見天光賁九原

臘日奉常穆公宅集會限韻

長安門館鳳池通幾許招尋令節同海內故交還骨

肉天涯萍跡漫西東鸞樓正借高岡樹鵬運宜擲碧海風 聖主聰明過堯舜欲於何地獻愚忠

元日費林二翰長集飲

栢葉細傳元日酒相過喜是玉堂人他鄉對客情偏洽帝里逢春賞更新紫禁祥煙低拂柳鳳池細水欲含蘋年華物色看流轉珍重尊前報主身

初歲於省中作

獻歲開元祚麗景耀神京彤庭祥霧合鍾山佳氣盈天曹肅弘敞巍閣峻且清北瞻鳩鵲觀東瞰鳳凰城修廡儼槐栢列署映瑤瑛虛薄蒙 皇眷繆此忝持

衡歧昔繁名括一一惟國楨蟠木詎為用華章忽濫
嬰本乏資世器幸遭休運明螢光思向日泔滴愧輸
瀛夙夜懷山甫懿德誠可經

正月七日翰林諸寮於敝寓山池為瀛洲之會

闡韻得七言近體二章

人日邀賓共草堂壑雲巖石動輝光因攀梅蕊生詩
興更藉椒花獻壽觴天近鳳池通雨露氣催鶯谷轉
春陽高才盡是雲霄望薄劣慚隨鷓鴣行

客邸長安水竹居能堪八座擁朝裾慢亭正啓神仙
宴花逕初停長者車幽洞駐雲迷紫翠碧池消雪漾

清虛莫嫌菲薄無供給留取新題石上書

元夜集宗伯甘泉公宅得五言體

瑞雪南宮夜華燈共此筵絳葩燃夕艷瓊絮舞春妍
應節辛盤出留歡栢酒傳坐中皆郢曲歌詠答韶年

二

帝城春信早春園趣不稀池煙凝竹色庭雪助燈輝
氣煖浮蘭醴花寒落毳衣清言歡未極玉漏轉微微

靈谷寺 二首

蓮宮青嶂合松門石逕通窈然深谷裏疑與秦人逢
澗底藏餘雪窻中列秀峰寂寞支公宅惟聞朝暮鐘

谷寺新春到山深嵐霧寒蒼松立萬壑寶塔青雲端
不覩崇宮麗那知法界寬夙有煙霞好登臨寄一歡

題顧中丞載酒亭圖

紫芝題墨千年勝圖向衡山賞更新萬壑雲松一茅

屋就中疑是草玄人

元人俞紫芝題
扁文徵仲畫

松塢高眠深閉關清詞白雪落人間我欲相從迷所
適却隨芳草到春山

生日自述

童稚螢囊抱一經宦途奔逐鬢還星風雲自幸逢明

世羸病那知介晚齡寒雪映巖松色定早春當檻柳
條青晨觴未許兒曹送追憶劬勞涕暗零

五十五年初度日他鄉踪跡尚流萍關心萬念悲身
事竊祿三朝愧寵靈晚歲冰霜恒自保世途巖險
故曾經遲回退食江湖遠省閣鐘峯吟翠屏

觀音巖同浚川王司馬作

久懷名山遊登賞春已暮言尋紫芝約頗適滄洲趣
巉巖石抱城泯泯江流霧憇礪挹飛泉攀蘿蔭芳樹
臨川足魚鳥攬澤多蘅茝興發揮綠觴浩歌誰與晤
弱水隔煙濤蓬瀛渺天路豈無乘鶴僊雲中自來去

人世多囂塵流光草間露嘉會良足怡轉盼已成故
何當巢雲松脫跡葆貞素

臯林媚晴春宛若綺繡錯岷江滙洪波九派悉輸約
不疊萬古磯懸崖出飛閣崖中白衣士跌坐澹虛泊
祇苑遺俗氛巖花自開落俯窺群象杳仰視天宇濶
昔賢幾登臨異代不可作竭來奉佳遊轉使吏情薄
欲釣任公鰲還夢坡仙鶴青山何寥寥白石亦鑿鑿
寄謝同心侶且永今夕樂楊曰二詩
皆有選意

西園賦贈徐六公子用陳侍講韻

幽人宴息在林園不信城闈車馬繁鏡裏芙蓉

沼煙山樓閣俯青原荒臺馬去雲俱寂茂苑鸞啼日
自喧合有神仙來此地時占紫氣候前軒

暮春集鷄鳴山閣

勝侶携尊興不違春山高閣坐忘歸濃煙密樹深相
暎麗日澄湖迥自輝清磬乍隨僊梵遠異花時傍佛
筵飛真從畫裏看京邑更與攀蘿上翠微

寫真自題

二極中間賦此形漫勞圖史付丹青裴卿獨笑非冰
鑑方朔虛疑是歲星事可告天惟自信志期希古不
遑寧華簪朱紱吾何意乞取煙霞養性靈

送許仲貽赴舉

高亭擊劍酒盃深極浦維舟風雪陰積水不堪連暮
色歸鴻應是帶春音雲霄獻納升東觀泉石棲遲別
故林共道孫弘工射策莫令經術負初心

除夕作 甲午

盃湛燈明深客堂促陰浮跡笑塵忙病來漸覺形容
老靜後渾於歲月忘星斗逼簷知夜永壘畦融雪卜
年康朝衣細整聽鍾漏正想氤氳漢殿香

元日作 乙未

客居鍾阜三移歲官閣梅花暖自芬欲試綵毫詩每
就重斟栢葉酒初醺春城萬戶催簫鼓霽景千峰暎
雪雲竊祿自慙無寸補聖朝功德冠華勲

元日羅子印岡以詩見寄次韻答之

正元天氣兆和豐旭日卿雲瑞靄同緹室啓春回物
候玉書頒澤起疲癯侵堦細草痕微綠衰露仙桃萼
漸紅却愛巢由歌帝力康衢新詠寄南宮

歲初視篆呈潘公寅長

滌篆池冰暖開堂雪樹青春光動八極休氣協三靈
北闕垂恩露南宮聚德星同志欣寮案摠忠報帝庭

新年鄉會

金華集 卷之七
跋歷群公在吾鄉不乏賢蓋簪逢帝里投轄啓春筵
栢葉隨罇細梅花闔勝妍留懽非易得四海是堯年
人日宋中丞讌集

此日逢人好邀賓荷主賢臺霜凝畫戟庭栢近芳筵
雪擁千門曙春增萬象妍曾同杏園宴相對惜華年
侯中丞讌集

中丞今峻望南國盡稱賢楚水移家久霜臺共此筵
飲豪觴令促坐久燭花妍蓬質慚難並青松耐歲年
和侯中丞元夜喜晴

九衢華月霽燈宵 帝里韶年景自饒吳地歌聲傳
子夜漢家樓閣入煙霄三陽淑氣迎黃道四海仁風
樂 聖朝正喜中臺布時令盡看南畝事春苗

和顧中丞出息東郊田舍

息駕追風遊藝疇戒春作縑繭已眠蠶探鷄忽成鵲
林英紛委地柰此風雨惡芊綿原隰引聯絡溝塍錯
疊石群岫移誅茆數椽縛寧希金懸肘賴有田負郭
燦燦霞冠岑涓涓泉赴壑雉雉當坐隅嗥犬出叢薄
牀橫元亮琴架貯韓康藥雅志璞仍懷浮榮屣應脫
豈異子雲居草玄甘寂寞

清旦漱玉齒焚香諷道書朗吟百神衛萬遍祛災虞

金山堂集 卷二言
至人昔有語上智乃如愚谷虛神以存累遣體應舒
大隱在城市豈必侶樵漁林卧觀衆芳水木及春餘
青陽忽已暮不樂復何如覽鏡彫朱顏髮白不滿梳
興來理瑤瑟且復對浮蛆誦君東郊作吾亦賦歸歟
生日效長慶體是歲予竊祿留曹三載矣
年過半百仍加六貪戀清時未拂衣朱紱拖身官秩
貴青雲屈指故交稀遊魚在藻思誠渥病鶴乘軒分
却非待得銓曹書滿日只應便掃故園扉

江閣春眺

冉冉松雲開閣扉冥冥煙浪遶亭磯穠花錦石春能

麗禪逕香臺賞未稀鷗鷺不驚塵事遠江山無改昔

人非薜蘿千里汀洲晚悵望征帆帶雨飛

揚曰澹泊蘊藉

觀音山作

山畔青蓮宇江間白鷺洲中天橫積翠百谷匯洪流
俗遠因成寂林深易得秋誰能來月夕吹笛起潛虬

二

千峰遙翠合九派迅流奔積氣浮潭浦殊狀變朝昏
巖幽藏綺閣蘿懸翳石門歎逝徒延竚悟寂與誰論

三

晨霽煙景豁平流淨如掌魚鳥遂飛潛舟艦相下上

具美信難期朋宴娛春賞何當風雨冥來閱驚濤壯

金山寺登賦

披雲躋絕壑蹇蘿憇石門上方孤磬發令我澄心魂
苔壁風煙古龍湫霧雨昏摩鮮銘難辨開金蹟尚存

二

浴日鯨波迴含風鷲嶺孤春洲足煙雨客思渺平蕪
天影遙連海山形盡入吳復此弭蘭楫因悲芳歲徂

贈王翁楚極

方袍鶴氅白綸巾來往人間作至人借問碧桃今幾
發東風一百九迴春

海上靈山那可尋人間至藥幾時成翁能授我長生
訣便欲相隨隱姓名

尋方伯張公合溪隱居

激瀨交文渚列樹間平疇雙澗緬迴合中隱林廬幽
結駟臺省別巾車山澤游停雲思彌積伐木意相求
憇舟九石潭下同合溪方伯登張侯廟有作張
侯者南唐時將有功封侯方伯之遠祖也

靈峰開峻宇危磴俯澄灣鳥道風煙上停艫得共攀
山春谷彩媚天迴水容閒知有仙人過吟留雙樹閒

二

山隱張侯廟洲傳九石潭碧溪環島嶼高棟鎖煙嵐
靈旆風雲擁神輿虎豹駢千秋奉明祀遺澤在江南
行經傍羅江懷寄黃費二太史

沿沂多異狀九潭清我心巖松冠朝旭河柳變時禽
霞爛初成綺溜遠忽鳴琴知有玄豹隱求之雲霧深
冲懷結烟素一寄瑤華音

暮春廣陵往觀宗伯湛公甘泉山精舍馬趙二

戶曹携酒至同酌

地以高賢勝春逢淑景和愛山因獨往載酒得同過
周覽乾坤大幽尋水石多咏歸堪自樂鳴鳥亦成歌

二

嶽麓名非忝龜山道可宗室軒開峻構劔履寄高蹤
壇杏有千歲江花能百重塵纓如可脫吾意會相從

題桓山馬水部張戶曹宋兵憲邀集

桓卿爲石室聞在此山間愚蹟無人問禪林客自攀
斷碑荒蘚合深洞碧蘿閒千古悲涼意斜陽獨鳥還

二

群山連積水疑望渺煙氛鹿走遙垆草龍嘘大澤雲
霸圖雄業改殊俗劔歌聞吊古情難極憑高酒易醺
恭聞 駕謁 長陵寄呈扈從夏公大宗伯

金山堂集 卷之四
松柏橋陵地千官扈 聖來騎營丹壑繞 帷殿碧山
開靈雨能隨輦祥風不起埃駐鞍頻賜對獨有禮卿
才

園廟崇明祀 君王舉曠儀侍行 慈聖喜宣旨近
臣知霜露玄宮閔星辰玉座移百年今父老驩覩漢
旌旗

晚次灤縣值雨是日聞車駕還京

松暝雨蕭蕭公庭坐寂寥城荒民戶少沙曠旅程遙
渠喜通泉溜畦憐潤麥苗夜聞鑿輅返魂夢繞丹霄

潞河

解裝潞河滸豁然襟抱開閭閻萬室聚冠帶八紘來
塵陸今如海黃金昔有臺鳳城雲霧裏瞻望氣佳哉
通州城北新濬通惠河以達漕粟入京免陸運
之勞是日登舟有作

昔上鞚飛塏今來航素波中流牽錦纜臨泛興如何
舵轉郡樓失蓬開山翠多宛似吳堤上垂楊隱櫂歌
二

一閘復一閘牽舟苑柳陰惠通名肇昔疏鑿利從今
波浸城臯遠源分苑內深極知邦計重真說水如金

水自內苑流出

贈曹大叅仲禮并簡高大叅子業

嶽伯中州彥文章有舅風破溟鯨力健馳野驥群空
翰苑名無忝藩垣位已崇相逢仍遽別投贈意何窮
空同李子之甥也

芾鳥辭天陛旌麾指晉圻祖筵霑賜醴夙駕拂征衣
過雨關塵淨經霜隴葉飛同遊有高適知詠省中薇

鈴山堂集卷第十一

鈴山堂集卷第十一目錄

詩

丙申孟夏蒙恩以禮書兼學士領史職初入東

閣有作

奉和 聖製西苑觀蓮

聖駕朝陵歌

駕祀七陵奉勅居守京城即事有述

居守京城贈同事靖遠伯王公

曉登 長陵陪祀

宿 景陵朝房作

金山堂集 卷之四
奉命視部篆履任奉呈桂翁少傅
攝事西陵行次舊功德寺作

西山雜詩

遣祭 皇子於西苑長春宮是夕寓宿苑中紀

述

奉和師相序翁閣中盆荷初開

被 旨待朝鮮使臣宴

侍讀屠文升奉使汴藩便道過家省覲賦贈

九月十日同浚川會桂洲宅席上次韻

元夕學士未翁宅燈宴次韻

讌餞大司徒李公於禮部次留別韻

寄朱給諫伯雨

同年張少叅兄挽詞

贈袁西園節推

贈蕭二守赴任濟寧

送進士盧木伯宰嘉興

送楊惟明

同顧學士於神樂觀賞牡丹

聽歌玉娥兒詞

和少傅相公西苑祀歸之作

和少傅相公 景神殿上香

送李正郎之廣右提學

贈用之

贈呈立赴曲江丞

送陳子新知州

和少傅相公九日邵園集飲

登報國寺閣次韻

送虞大理侍養南歸

少傅桂翁寄黃太史伯真余同作

感述

得中峯少宰書却寄之

報國寺閣餞都憲白川周公還南京

鈴山堂集卷第十二

詩南宮藻

升菴楊慎評點

丙申孟夏蒙恩以禮書兼學士領史職初入東

閣有作

碧霄何意得重攀九轉丹成列上班金簡玉書題冊
府霧窓雲閣住蓬山擬修麟史才難稱自領冰銜夢
亦聞講幄舊臣江海別濡毫猶得奉天顏

奉和聖製西苑觀蓮絕句

匝岸細荷萬蓋新翠華初駐綠池濱皆言今日風光

好宿雨全消御路塵
水容花色競鮮新
綺榭珠樓天漢濱
正值早秋風露澹
涵空一鑑淨無塵

聖駕朝陵歌

閣道朝懸日月旗
歲蕤朱鳳引文螭
橋陵霜露脩殷祀
原廟衣冠陋漢儀

沙河士馬若雲屯
萬姓環門識至尊
青天突起迎鑾殿
此地今為駐蹕村

萬柝沉沉片月前
龍旂不動宿寒烟
起傍營門瞻北斗
休氣榮光燭遠天

山東紅門勢若蹲
登登石路入雲根
穹碑層構中天起
聖德神功萬古存

神宮鐘動啓金扉
祝帛祠官候袞衣
風靜燎凝煙靄靄
靄林深松裊霧霏霏

陽翠高高萬壽宮
蜿蜒崗阜擁虬龍
瑞日乍停雙鳳輦
綵雲長護萬年松

遙望慈輿寶扇張
帷宮初進紫霞觴
聖人愛日心無倦
轉覺銅龍晝漏長

太師少傅承恩重
造膝二臣對夜分
銀璫遺賜人皆羨
前席論言世莫聞

駕祀七陵奉勅居守京城即事有述

鳳城樓堞隱寒空
玉帳旌麾曉風新
菊凝香隨步輦
靈峰積翠遠離宮
龍雲瑞氣來皇邑
霜露秋容感聖衷
芸閣侍臣勞簡命
擁旄持節愧何功

畫戟連營警衛重
翠華今夕駐行宮
朝頒璽勅綸言重
夜鎖金城節制雄
風清刻漏來天上
霜白星河遶禁中
皇德萬年同郊鼎
漢家誰數貳師功

居守京城贈同事靖遠伯王公二首

居留藉總戎
簡命冠羣公
斧鉞行軍令
詩書振祖風
玉鞭光指月
龍劍氣成虹
迂薄欣聯事
多慚衛霍功

祖尚書公驥也

白馬玉連環
城巡遍九關
月臨霜仗肅
風裊戍旗閒
閣道星辰上
橋陵霧靄間
明朝書笏記
同候屬車

還駕還京居守官致詞奉迎賜酒飯

曉登長陵陪祀

絳節霓旌擁
聖君翠崖丹壑上
層雲松林日出浮
佳氣沙寒霜飛淨
遠氛瑤草總承恩
露重黃花猶傍御
爐芬幸隨天仗觀
殷祀不向風歌數漢汾

宿景陵朝房作

六載橋陵得再攀
石房仍宿翠微間
拜瞻松柏驚時

序來往風塵笑病顏
幄殿六龍頻駐輦
羽林千騎通遮山
太平儀典今看盛
薄劣虛慚侍從班

奉命視部篆歲除日履任奉呈桂翁少傅

亭玉張筵迥袍緋
擁綬新丹霄通雨露
華省切星辰
拔擢慚非分
遭逢慶此身
所希陽道泰
明日萬方春

省中來玉亭
少傅公所題

二

南省今重入春陽
動粉闈氣隨鶯谷轉
花傍雪筵飛
齋署更新榜
廳槐過舊圍
總多耆俊在
虛薄冒恩輝

三

少傅知予久
交承分愈親
聖朝無闕典
何力繼芳塵
憇閣棠依席
尋詩鶴近人
極知三禮重
夙夜奉惟寅

四

弱冠遊文苑
載筆逐時英
敢期周典禮
仍備漢公卿
辛苦思身事
恩榮荷聖明
坐憐松雪晚
真有歲寒情

攝事西陵行次舊功德寺作

湖寺春禪到高秋
得重尋川原通遠色
巖嶂鎖寒陰
斲息塵中駕
猶憐物外心
彩雲松栢裏
長候翠華臨

二

蘋際冷風起
颯然湖上秋
遠波明島嶼
層霧隱林丘

金山堂集 卷三言
鳥下溪田熟鍾鳴谷寺幽馳驅念于役心賞若爲酬

西山雜詩

本朝陵墓壯西山松栢神宮未可攀獨有中官奉祠
祀石房煙火翠微間

玉匣珠襦掩夜泉世人那見鶴歸年秋來十里金山
道華表參差夕照前

無窮臺殿倚山椒土價黃金向此消常侍不來僧獨
在遊人還自說先朝

澗松巖石蔭秋蘿貪看青山寺寺過歸鳥數行西日
外樹煙橫碧晚鍾多

方池湧出玉流寒耐可溶溶一鑑寬塵事驅人留不
得欲歸還復倚闌看

金代遺蹤寄草萊湖邊猶識釣魚臺沙鷗汀鷺尋常
在曾見龍舟鳳舸來

湖上閑雲對草亭蒹葭浙瀝映寒汀千峰萬壑看難
盡白鳥雙飛入翠屏

萬峰蒼翠入雲端極目江山此鬱盤地隱西湖成澤
國天開薊苑作長安

白羊山路白雲中鳥道羊腸一線通豈有胡兒能牧
馬萬年天險限華戎

陽曰絕句之難難於五七言律
如此玉匣澗松湖上白羊四首

豈減盛唐

遣祭皇子於西苑長春宮寓宿苑中紀述

望見飛虹白玉橋水邊臺殿影青霄那知苑內來留

宿月白霜清共此宵

西內新移皇子喪禮卿臨奠捧宸章蕙肴蘭醕

曾來享轉益皇情一倍傷上親製文曰遣禮卿高致祭

繚繞香花覆玉幢瑤壇夜醮禮虛皇可憐今夕長春

殿坐聽經聲月轉廊

高殿虛廊燈燭光殘河欲沒樹蒼蒼長安萬戶曹騰

裏不信蓬萊刻漏長

奉和師相序翁閣中盆荷初開是日翁六載考

績

芙蓉香藹玉堂風麗彩還迷曉日紅天禁移根恩本

異蓬山歌瑞句尤工凌波雜珮搖湘岸擎露金盤出

漢宮願借碧觴留勝賞况逢黃閣奏元功憲廟自禁中移植于此

此

綸閣揮毫坐水風晴花新上賜袍紅物華自解呈嘉

瑞袞職惟應代帝工天上恩波涵鳳沼簾前香霧隱

仙宮極知退食從容地調燮全收鼎鉉功

被旨待朝鮮使臣宴

百伎充庭奏管絃大官供饌列芳鮮島夷職貢虔臣
節天驛恩華寵御筵寰海車書應會極 聖朝功德
正齊天微臣邦禮叨從事拜舞重歌既醉篇

五位衣裳坐 聖人殊方玉帛走蕃臣海嶠日出頒
封舊闔闔雲開獻壽新堦羽舞時知舜德衢尊樹處
荷堯仁皆言夷夏為家日同醉鈞天湛露春

皇儲大慶侍讀屠文升告賜汴藩便道過家省

觀賦贈

誕瑞元良重頒書郡國遙使旌遴玉署皇澤霈丹霄
寶服雲龍麗宸章日月昭宗藩均慶賜寰海遍歡謠

賢繼方歌啓男多競祝堯天枝千葉茂璇律萬年

才子華簪稱詞林俊望超鳳毛呈異彩瓊樹挺清標

麾節梁園道風煙洛水橋染衣塵鬢鳴驛馬蕭蕭

汴寺連雲起河水逐視消帆津凌沆漭履嶽上岩堯

覽勝才能賦尋幽會如杜工部浦帆晨初發之帆去聲招隴梅勻細萼渠柳變芳條

禾里山連舍江門月映潮宮袍裁畫錦壽酒注春瓢

戀別頻看劍承歡更駐輶起居榮八座封錫賁三朝

氣挾湖山動恩垂雨露饒筵開青鳥度樂奏紫霞飄

白髮仍將母青宮特簡寮禁林春色滿側耳聽回鑣

九月十日同官保浚川會少傅桂洲宅席上有

金山堂集
卷之三
作次韻

高城過雨浮埃淨東閣留賓綺席開紫艷未呈芳節
菊黃封先出內家醅幽懷晚逕頻移榻醉眼秋山獨
倚臺退食相過應不厭共看名籍在蓬萊

還憐顏鬢三秋改悵望風煙萬里開病客未能忘野
興玉人猶喜對仙醅霜晴白鴈來沙磧日晚祥鳥下
石臺朱紱繆慙隨奉引可應重問北山萊

元夕學士未翁宅燈宴次席上諸學士韻

德星池館五雲連翠管銀罍照綺筵伶部按歌傳錦
瑟御厨分賜輟金錢夜看燈月明於晝人在蓬瀛望

若仙共喜恩波逢聖世願將歌頌答韶年
登堂頓覺消塵思獨樹梅花清傍人物色每驚遊宦
侶風光先透帝城春何郎詩興留東閣杜老醅香送
隔隣歲歲傳觴還此夕綵燈花勝鬪鮮新

日本仲春五日讌餞大司徒李公於禮部後堂次留

別韻

暖煙晴樹動春妍勝日南宮共此筵宗伯正同周典
禮司農新領漢緡錢金甌姓字需賢佐玉府班儀列
上仙三紀詞林今八座與公重數孝皇年

寄朱給諫伯雨

秣陵煙月歎離居長憶招邀駐筭輿塵世浮踪難自
定故人歡好已全疎尋山寺隱松蘿勝坐竹池涵几
席虛別後此心何所寄江鴻頻展八行書

同年張少叅兄挽詞

遠書昨歲渡江湖高里驚聞引壑簫莫話對廷弘治
日杏園前伴已蕭條

白璧青銅亦自珍暮年朱紱水雲身堂前尚有薇花
月不見當時作賦人

贈袁西園節推

昨來同駐潞河舟今去君爲嶺外遊從此向南書漸

少雲山無限水悠悠

宦情離思入風煙把酒相看各惘然今日黃金臺上
別與君重會是何年

野性自期盤谷隱誤恩重作鳳池遊因君思逐飛雲
去直到鈴山樓上頭

贈蕭二守赴任濟寧

使君出佐古名州鉅野婁城接魯陬庭中好種甘棠
樹他日能將惠化留

鏡吹喧喧濟水頭赤旗頰帽引官舟津亭送客歸時
晚可得聞登太白樓

送進士盧木伯宰嘉興

慷慨賈生能抗疏，蕭條宓令獨鳴絃。
玕貯腹應無數，留取重來侍帝前。
烟水吳門暫駐撓，到官准有兩程遙。
但教得祿爲親養，不用逢人歎折腰。

送楊惟明

疋馬雙旌逐曉風，楚雲湘水思無窮。
遙知驛路經行處，多在春山萬木中。

同顧學士於神樂觀賞牡丹次韻

何處高吟對物華，石林來訪地仙家。
桃源景勝迷行

跡，日檻風亭處處花。

荏苒風塵度歲華，春晴下馬醉誰家。
官曹出郭應難數，惆悵尊前雙樹花。

聽歌玉娥兒詞閣臣應制作也

玉娥不是世間詞，龍艦春湖捧御卮。
閭巷教坊齊學得，一聲聲出鳳凰池。

楊是宮詞體

和少傅相公西苑祀歸之作

攝祀元台重秉春，淑氣和苑芳花露。
早汀曉水烟多稼，穡勤周畷明良協。
舜歌欲知回袞鳥，天路近星河。
和少傅相公景神殿上香

金山堂集 卷之三
片月斜明古樹蒼玉京樓閣迥含涼神輿欲降浮龍
氣寶殿初開引御香直以精誠將祀命極知趨走奉
恩光歸來彩筆題新句人世驚看五色芒

送李正郎之廣右提學

冠蓋三春別雲山百粵程草齊疑礙馬花暖欲啼鶯
簡擢儒臺重遲迴省署清相知誰復似不盡送君情

贈用之

志業平生遠發朝壯茲行過家娛彩服入郡引前旌
夕浦船依市春山柳向城楚邦民俗好應愜宦遊情
贈呈立赴曲江丞

童稚情憐硯席親雪窗螢館共悲辛那堪老至思前
事忍向天涯別故人對酒莫辭寒夜醉折梅應寄遠
江春河陽小試君休歎遙聽賢聲慰吏民

送陳子新知州

金陵共爾論文日十載重逢白髮新擢第舊傳三禮
學分符今牧兩州民青楓粵嶠鳴騶遠綠水燕河舉
棹頻南去故交知漸少題書還憶鴈聲春

和少傅相公九日邵園集飲

侯家池館閉芳園上相能來共綠尊看竹未須詢地
主結茅真擬學山村松根坐石雲隨几谷口鳴騶鶴

避軒退食自公多暇日為將歌頌答君恩
只疑風景是陶園九日閒情對菊尊綠樹籬邊斜有
逕青烟郭外近依村歌聲緩送鸞簫曲仙馭高臨紫
氣軒豈似齊山吟落照共瞻霄漢奉明恩
城東柰有辟疆園座上能虛北海尊慣見漁樵談勝
事忽驚車馬駐深村林風不厭吹烏帽瀑水尤宜落
綺軒最喜年豐禾稼熟野人含哺頌君恩

登報國寺閣次宮保未齋韻

鷲林朱閣重霄近俯見風烟接地浮金闕
舩稜深隱霧碧山紅樹迥含秋可憐車馬陵東別未羨衣冠峴

首遊人事塵勞難可到鳳城斜日重回頭

送虞大理侍養南歸

賜歸真慰北堂歡色養無心戀達官獻壽總宜萊子
服趨朝曾識惠文冠山中逸興思攀桂溪上秋芳詠
采蘭 聖主恩深閭闔遠幾回清夢憶鳴鑾

少傅桂翁寄黃太史伯真余同作

忽報遠書傳鳳閣遙憐高客臥雲山青萍綠綺誰應
惜藥圃茅堂相對閒長為風烟增悵望漫於時序感
容顏故人擬薦揚雄賦早晚重來謁帝關

感述

長安滾滾化衣塵，侶逐私嗟作宦身。
駑蹇敢方燕市駿，蛾眉曾學楚宮人。
謾於情事朱絃在，信有交游白髮新。
玉樹上林無限好，寄言鸞鳳莫相嗔。

得中峯少宰書却寄之

越客初逢得起居，夜燈頻展八行書。
故人滄海身猶健，舊德中朝席尚虛。
世事無端還失馬，碧山多興欲焚魚。
謝公自有蒼生望，旅逐無能獨愧予。

報國寺閣餞都憲白川周公還南京

來登梵閣諸天上，暫借文觴此日留。
落木寒山堪望遠，踈花錦石自宜秋。
風塵冉冉催雙鬢，廊廟周旋繫百憂。
已報旌旗戒明發，更攀蘿薜寄清遊。

鈴山堂集卷第十二

